

Број предмета: 01-2061/24
Број акта: 04-AA-009/24
Датум: 18.07.2024.godine

Na osnovu člana 23. stav 2. Zakona o javnim preduzećima Brčko distrikta BiH ("Sl. glasnik Brčko distrikta BiH", br. 22/2018 - prečišćen tekst, 5/2020 i 10/2022), člana 48. Statuta Javnog preduzeća "Putevi Brčko" d.o.o. Brčko distrikta BiH, a u vezi sa članom 70. stav 3. Zakona o javnim nabavkama Bosne i Hercegovine («Službeni glasnik BiH», broj: 39/14 i 59/22) i Pravilnika o javnim nabavkama roba, usluga i radova JP „Putevi Brčko“ d.o.o. Brčko distrikta BiH, na preporuku Komisije iz Zapisnika o izboru najpovoljnije ponude broj predmeta: 01-2061/24, broj akta: 04-AA-007/24 od 11.07.2024.godine, Direktor JP "Putevi Brčko" d.o.o. Brčko distrikta BiH, donosi

ODLUKU

o izboru najpovoljnijeg ponuđača za dodjelu ugovora putem Otvorenog postupka za javnu nabavku radova- sanacije, rekonstrukcije ili izgradnje ulica i puteva na području Brčko distrikta BiH (III), a za potrebe JP "Putevi Brčko" d.o.o. Brčko distrikt BiH

Član 1.

U Otvorenom postupku za dostavu ponuda kojim je predviđeno zaključivanje ugovora za javnu nabavku radova-sanacije, rekonstrukcije ili izgradnje ulica i puteva na području Brčko distrikta BiH (III), objavljene na portalu javnih nabavki pod brojem: 947-1-3-49-3-68/24 od 07.06.2024. godine, ispravka obavještenja: 947-1-3-49-8-75/24, od 27.06.2024.godine, prihvata se preporuka Komisije iz Zapisnika o izboru najpovoljnije ponude broj predmeta: 01-2061/24, broj akta: 04-AA-007/24 od 11.07.2024.godine, te se ugovor dodjeljuje sljedećim ponuđačima:

Lot 1: Rekonstrukcija dijela puta Vukšić-Laništa – ponuđaču „Galax niskogradnja“ d.d. Brčko sa iznosom ponude 133.380,00 KM sa uračunatim PDV-om,

LOT 2: Izgradnja trotoara u ulici Mostarska-ponuđaču „Eko prom“ d.o.o. Brčko sa iznosom ponude 352.827,74 KM sa uračunatim PDV-om,

LOT 3: Rekonstrukcija dijela puta u Gornjoj Skakavi prema Lipovcu–ponuđaču „Roading“ d.o.o. Gračanica, sa iznosom ponude 118.859,02 KM sa uračunatim PDV-om,

Član 2.

Po okončanju roka za žalbu Ugovorni organ će sa izabranim ponuđačima zaključiti ugovori za nabavku radova, kojim će se regulisati međusobna prava i obaveze vezano za predmetnu javnu nabavku shodno uslovima Ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja. Predmetna nabavka će biti finansirana iz Poslovnog plana za 2024.godinu.

Član 3.

Ova Odluka će se dostaviti svim ponuđačima koji su učestvovali u predmetnom postupku javne nabavke uz obavještenje o rezultatima postupka.

Član 4.

Ova Odluka stupa na snagu danom donošenja i objavit će se na web stranici, kao i na oglasnoj tabli Preduzeća, danom upućivanja iste ponuđačima.

O b r a z l o ž e n j e

Nakon provedenog Otvorenog postupka sa objavljenim obavještenjem o javnoj nabavci na portalu javnih nabavki pod brojem: 947-1-3-49-3-68/24 od 07.06.2024. godine, ispravka obavještenja: 947-1-3-49-8-75/24, od 27.06.2024.godine, za javnu nabavku radova- sanacije, rekonstrukcije ili izgradnje ulica i puteva na području Brčko distrikta BiH (III), pokrenutog Odlukom o pokretanju Otvorenog postupka broj predmeta: 01-2017/24, broj akta 04-ZS-005/24 od 28.03.2024.godine i Odluke o pokretanju broj 01-2425/24, broj akta 04-ŽK-001/24 od 15.04.2024.godine, Komisija imenovana rješenjem broj predmeta: 01-2061/24, broj akta: 04-AS-006/24 od 02.07.2024. godine, je izvršila pregled i ocjenu blagovremeno dostavljenih ponuda, te konstatovala da je za predmetnu nabavku dostavljeno sedam ponuda, i to od sljedećih ponuđača: Balem d.o.o. Gradačac, Roding d.o.o. Gračanica, Galax niskogradnja d.d. Brčko, Bijeljina put d.o.o. Bijeljina, Papiion d.o.o. Čelić, Eko prom d.o.o. Brčko i Arapovac putevi d.o.o. Čelić, za koje je Komisija utvrdila da sve ponude u formalno-pravnom smislu ispunjavaju uslove-kriterijume postavljene u Tenderskoj dokumentaciji.

Komisija konstatuje da je tenderskom dokumentacijom bila predviđena e-aukcija. Da je nakon završetka e-aukcije konačna rang lista ponuđača koji su učestvovali u e-aukciji prikazana u tabeli u Zapisniku o izboru najpovoljnije ponude broj predmeta: 01-2061/24, broj akta: 04-AA-007/24 od 11.07.2024.godine.

Komisija za predmetnu nabavku po kriteriju za dodjelu ugovora (najniža cijena tehnički zadovoljavajuće ponude), jednoglasno utvrdila rang listu kvalifikovanih ponuda i isto konstatovala u Zapisnik o ocjeni ponuda.

Članom 70. Stav (6) Zakona, propisano je da Ugovorni organ predmetnu Odluku objavljuje na svojoj internet stranici istovremeno sa njenim upućivanjem ponuđačima koji su učestvovali u postupku javne nabavke. Nadalje, članom 71. ZJN BiH, utvrđena je obaveza Ugovornog organa da predmetnu Odluku dostavi ponuđaču koji je učestvovao u postupku javne nabavke uz obavještenje o rezultatima postupka, kao i Zapisnik o izboru najpovoljnije ponude.

Imajući u vidu naprijed navedeno, Komisija je dala *preporuku* direktoru Preduzeća da se ugovor o nabavci radova dodijeli ponuđačima kako je navedeno, s toga cijeneći navedeno, odlučeno je kao u članu 1. ove Odluke.


Pouka o pravnom lijeku: Protiv ove Odluke dozvoljena je žalba u pisanoj formi u roku od 10 (deset) dana, računajući od dana kada je ponuđač primio Odluku, odnosno obavještenje o rezultatima postupka. Žalba se izjavljuje ugovornom organu JP „Putevi Brčko“ d.o.o. Brčko distrikta BiH, Bosne Srebrene Br.29, 76 100 Brčko, u skladu sa članom 99. i 101. ZJN BiH, u dovoljnom broju primjeraka, a koji ne može biti manji od tri.


A.A.



M.I.

JP „Putevi Brčko“ d.o.o. Brčko distrikt BiH
Direktor




Vlado Jevtić